ONA TILI

Umumiy o'rta ta'lim maktablarining 1-sinfi uchun darslik

O'n uchinchi nashr

Oʻzbekiston Respublikasi Xalq ta'limi vazirligi tasdiqlagan



«SHARQ» NASHRIYOT-MATBAA AKSIYADORLIK KOMPANIYASI BOSH TAHRIRIYATI TOSHKENT — 2017

Taqrizchilar:

Muhabbat Qurbonova – Oʻzbekiston Milliy universiteti professori, f.f. doktori;

Nazira Ahmedova – RTM Boshlang'ich ta'lim bo'limi boshlig'i;

Muhabbat Umarova – Toshkent shahridagi 112-maktab boshlang'ich sinf o'qituvchisi.

Shartli belgilar:



— savol va topshiriqlar



uyda bajaring



multimedia ilovasi



— dars tugadi

Respublika maqsadli kitob jamgʻarmasi mablagʻlari hisobidan chop etildi.

ISBN 978-9943-26-618-6


[©] T.Gʻafforova, E.Shodmonov, X.Gʻulomova, 2003, 2017.

^{© «}Sharq» NMAK Bosh tahririyati, 2003, 2017.



Ona tilim

Ona tilim, jon tilim, Sen oʻzingsan jon-dilim. Yuragimning toʻrida Sayrab turgan bulbulim.



TOVUSHLAR VA HARFLAR

Tovush va harf



1-mashq. Rasmda kimlar tasvir-langan?



So'zlarni o'qing. Qaysi tovush so'z ma'nosini o'zgartirayotganini ayting.

Aka — uka, ota — ona — opa, bola — xola, buva — buvi.

Tovushlar sonini aniqlang. Ko'chiring.

Tovushlarni talaffuz qilamiz va eshitamiz. Oʻzbek tilida 30 ta tovush bor.



2-mashq. Oʻqing. Soʻzlarning bitta tovushini tushirib, yangi soʻz hosil qiling.

Anhor $-\Box$	□/□□, bahor		<u> </u>
hunar — /□	□ , dona —	\square ,	

So'zlarning ma'nosini o'zgartirayotgan tovushni ayting. So'zlarni juft holda yozing.



3-mashq. Rasmdagi bolalarga ism qoʻying. Ular nima qilyaptilar?




Javob yozing:

Bolalar ismida qaysi tovushlar ishtirok etgan? Tovushlarni almashtirib, yangi ismlar hosil qiling.

Tovushlar harflar bilan ifodalanadi. Harflarni yozamiz, koʻramiz va oʻqiymiz. Oʻzbek yozuvida 29 ta harf bor.




4-mashq. Rasmdagi hayvon va narsalar nomini ayting va yozing.









Soʻzlardagi tovush va harflar sonini ayting. Qaysi tovushlar soʻz ma'nosini oʻzgartiryapti?



5-mashq. Soʻzlarning bitta tovushini oʻzgartirib, yangi soʻz hosil qiling va yozing.

Qovun — sovun, ikki — ____soʻqmoq — ____.

Foydalanish uchun harflar: u, t.

So'zlarning ma'nosini izohlang.

6-mashq. Qovun nomlarini aniq-lang.

Qovunlar


Ananas – qasir-qusur,
Pichoqqa ilinmaydi.
Oqurugʻ — mayiz, holva,
Poʻchogʻi bilinmaydi.
Boʻrikalla, asati,
Koʻkturnasin aytmayman.
Ming til bilan soʻzlab ham
Maqtoviga yetmayman.

Tolib Yoʻldosh

Qovun nomlarini ko'chiring. Qovunlar nega har xil nomlanadi? Qavs ichida tovush va harflar sonini yozing.



7-mashq. Koʻrsatkichlar asosida oltita soʻz tuzing va yozing.



Tuzgan soʻzlaringizning ma'nosini izohlang.

Savollarga og'zaki javob bering:

- 1. O'zbek tilida nechta tovush bor?
- 2. Tovushni nima qilamiz?
- 3. Tovushlar yozuvda nimalar bilan ifodalanadi?
- 4. O'zbek tilida nechta harf bor?
- 5. Nimani yozamiz, koʻramiz, oʻqiymiz?





8-mashq. Oʻqing. She'r qaysi shahar haqida ekanini toping.

Poytaxt shahar, bosh shahar, Qadim tuproq, Shosh shahar... Sen tinchlik qoʻngʻirogʻi, Sen ozodlik kuyisan.

Muhammad Yusuf

She'rning dastlabki ikki qatorini ko'chiring. Unlilar tagiga chizing. Qaysi tovushlarsiz so'z hosil bo'lmaydi?

9-mashq. Harflardan foydalanib, so'zlar tuzing va yozing.



Soʻzdagi qaysi tovush tushirib qoldirilsa, so'z hosil bo'lmaydi?



10-mashq. Oʻqing. Uchinchi va toʻrtinchi gaplarni koʻchiring. Unlilarning tagiga chizing.

Qishda dalalarni, bogʻlarni oppoq qor qoplaydi. Bahorda qorlar eriydi. Qorning suvlari yerning tashnaligini qondiradi. Hosilning mo'l bo'lishiga yordam beradi.

11-mashq. So'zlarning birinchi bo'g'inida a tovushini talaffuz qiling.


Baho, bahor, davlat, jahon, javon, hammom, havo, Shavkat.

Ko'chiring. So'zning qaysi o'rnida xato qilish mumkinligini ayting.

12-mashq. Nuqtalar oʻrniga a yoki oʻunlisini qoʻyib oʻqing.



Undoshni almashtirib, yangi soʻzlar tuzing va yozing. Soʻz ma'nosining oʻzgarish sababini ayting.



Xondayliq qishlogʻi togʻlar bilan oʻr. Igan. Uning h. vosi mus. ffo, sh. - moli yoqimli. Men togʻlarni t. m. sha qilishni yoqtiraman.

Sobit G'afurovdan

a va o unlilarining aytilishi va yozilishini izohlang.



- 1. Tursunda to'rtta to'rqop bor.
- 2. Gulsum guldonda gul keltirdi.

- Ko'chiring. u unlisi o'rniga i unlisi qo'llanganda so'z ma'nosida qanday o'zgarish bo'ladi?
- Ularning qaysi bo'g'inida xato qilish mumkin?

a, e, i, o, u, oʻ — unli tovushlarni ifodalovchi harflar.


15-mashq. Soʻzlarni oʻqing. Oxirgi boʻgʻindagi u unlisining talaffuziga e'tibor bering.







bulbul



qirg'ovul



burgut

Ko'chiring. u unlisining tagiga chizing.



16-mashq. Oʻqing. Nuqtalar oʻrniga mos unlini qoʻyib koʻchiring.



Chumchuq

Bir chumch.q don-dun izlab, Sov.qda qopti m.zlab. Olib darrov qoʻlimga, Kufkufladim shu zumda. Berdim unga ushoq non, Shu kun boʻldi u mehmon.

Qutbi Nosirova

Unli tovushlar qanday aytiladi?



17-mashq. Oʻqing va koʻchiring.i va u unlilarining tagiga chizing.



Toychoq

Toychogʻim uchqur, ziyrak, Toʻrt oyogʻi gʻildirak. Sindirmasang bas, unga Na oʻt-u, na suv kerak.

Anvar Obidjon

i va u unlilarining talaffuzi va yozilishiga e'tibor bering. 18-mashq. Tushirib qoldirilgan unlilarni qoʻyib, hayvonlar nomini guruhlab yozing.










kuch.k mush.k echk. qo'z.choq









xoʻt .k

s.gir

t.ychoq


b.zoq

Yozgan soʻzlaringizni lugʻatdan tekshiring. Unlilarning aytilishi va yozilishidagi farqni ayting.




19-mashq. Ikkinchi boʻgʻinida i aytilib, u yoziladigan soʻzlarni ayting va yozing.













i aytilib, u yoziladigan unlilar tagiga chizing.



20-mashq. Harflarni yozing.




- Bir soʻzning ikkita boʻgʻinida ham a,
 u unlilari yoziladigan soʻzlar toping.
- **21-mashq.** Oʻqing. Unli tovushlarni ayting. Maqollarda qaysi unli ishtirok etmagan?
 - 1. Bilim davlatdan qimmat.
 - 2. Olim bo'lsang, olam seniki.
- Ko'chiring. Unlilar tagiga chizing.
- Davlat soʻzi yana qanday ma'noni bildiradi?

Savollarga og'zaki javob bering:

- Tilimizda nechta unli tovush bor?
 Unli tovushni ifodalovchi harflar nechta?
- 2. Unli tovushlar qanday aytiladi?



22-mashq. Harflardan foydalanib, soʻzlar tuzing va yozing.





Undosh tovushlar va harflar



23-mashq. She'rni o'qing. Ko'-chiring. Undoshlar tagiga chizing.


Yong'oq

Kuz kelganda pishaman, Qoqsang, tap-tap tushaman. Yogʻli qilib noningni, Tozalayman qoningni.



Ibrohim Donish

24-mashq. Rasmdagi sabzavotlarning nomini ayting va yozing.



Yozganlaringizni lugʻatdan tekshiring. Undoshlarning tagiga chizing.



25-mashq. Topishmoqni oʻqing, javobini toping.



O'zi ekin, gul taqar, Pishgach, yesang, xoʻp yoqar. Kun doim unga boqar, U doim kunga boqar.

Ko'chiring. Undoshlarning tagiga chizing.

26-mashq. Tagiga chizilgan harf-larni yozma shaklda yozing.

<u>Bb, Dd, Ff, Gg, Hh, Jj, Kk, Ll, Mm, Nn, Pp, Qq, Rr, Ss, Tt, Vv, Xx, Yy, Zz, G'g', Sh sh, Ch ch, Ng ng.</u>

Bu harflar qanday tovushlarni ifodalaydi? Tilimizda nechta undosh tovush bor?

27-mashq. She'rni o'qing.

Kichik usta

Men kichik ustaman, Oʻz ishimga puxtaman. Dadam bilan ertalab, Yogʻoch, taxta randalab, Uycha qurdim tovuqqa. Qolmasin deb sovuqqa.

Odil Abdurahmon

She'rning oxirgi ikki qatorini ko'chiring. Bir undosh tovushi bilan ma'nosi o'zgargan so'zni toping. O'zbek tilida 24 ta undosh tovush va ularni ifodalovchi 23 ta harf bor.



28-mashq. Matnni oʻqing. Matndan nimalarni bilib oldingiz?

Ruxsat so'rash odobi

Darsda oʻqituvchingizdan biror narsani soʻrashni istasangiz, qoʻlingizni koʻtaring. Oʻqituvchi ruxsat bersa, oʻrningizdan turing va savolingizni ayting.

Ko'chiring. Undoshlarning tagiga chizing.

29-mashq. Oʻqing. Soʻzlarda x va h harflarining oʻqilishini ayting.

Xiva, Buxoro, Xorazm, mehmon, hovli, Jizzax, hammom, mehribon.

Koʻchiring. x va h harfli soʻzlarni ustun shaklida yozing.

30-mashq. Xat yozishni oʻrganing. x va h harfli soʻzlarning oʻqilishi va yozilishini yodingizda tuting.

Assalomu alaykum, Xolida xola! Tuzalib qoldingizmi? Xat orqali sog'ligʻingizni ma'lum qiling.

Onam sizga salom yoʻllayaptilar. Xayr. Jiyaningiz Hakima.

2017-yilning 3-fevrali.

Namunaga qarab yaqin kishingizga xat yozing.



<u> 31-mashq.</u> Nuqtalar oʻrniga x yoki h harfidan mosini qoʻyib yozing.

Ya.malak, .ona, .ola, ta.ta, .irmon, mi., .olva, ba.o, ja.on, .avo.

Yozgan soʻzlaringizni lugʻatdan tekshiring.



32-mashq. Rasmga qarab «Ona tabiat» mavzusida ogʻzaki hikoya tuzing. Hikoyangizda j tovushli so'zlardan foydalaning.



Savollarga javob yozing:

- Rasmda qaysi hayvonlar tasvirlangan?
- 2. Ular jilgʻa yoqasiga nima uchun kelishdi?
- Tuzgan hikoyangizdagi hayvonlar nomini oʻqing. j harfi yana qaysi tovushni ifodalaydi?
- **33-mashq.** Soʻzlarni oʻqing. j harfining oʻqilishiga e'tibor bering.

Jamol, jur'at, jiyda, ajdar, ijozat, ijro, jiblajibon.

Ko'chiring. O'zingiz ham j harfi qatnashgan so'zlardan topib yozing.



34-mashq. Bolalarga j tovushi qatnashgan ism qoʻying. Savollarga javob yozing.

- 1. Kimlar jurnal o'qiyapti?
- 2. Jurnalda nima tasvirlangan?
- Jurnal, jirafa soʻzlarida j harfi qanday talaffuz qilinadi?





Harflar birikmasi

- **35-mashq.** Oʻqing. She'r nima haqida ekanini ayting.
 - Shamol, qayga chopyapsan, Seni quvlarmi birov?
 - Axir, qancha ishim bor,
 Bo'lmas bormasam darrov.


Rauf Tolib

She'rni yoddan yozing. Harflar birikmasining tagiga chizing.



36-mashq. She'rni o'qing. Ajratib ko'rsatilgan so'zlarni tahlil qiling.

Til topishdi



Uchrashdilar Gʻoz va Oʻrdak.

- Isming nima?
- Menikimi? Gʻoq-gʻoq-gʻoq. Seniki-chi?

Gʻo-gʻo-gʻo.
 Bir zumda til
 Topishdi.
 Oʻynagani
 Chopishdi.

Qambar Ota

Tahlil namunasi:

Chopishdi – yettita tovush, beshta harf, ikkita harflar birikmasi, toʻrtta undosh (ch, p, sh, d), uchta unli (o, i, i).



37-mashq. O'qing. Ko'chiring.

Shahrisabz

Oʻquvchilar Shahrisabzga bordilar. Shaharning chiroyli, tarixiy joylarini tomosha qildilar. Ular sayohatdan xursand boʻlib qaytdilar.

Harflar birikmasining tagiga chizing.

38-mashq. Matnni oʻqing. Siz-ningcha, oldin nima boʻlgan?

Ona qarg'a

...Ona qargʻa nobud boʻlgan bolasi oldiga asta qoʻndi. Boshini egganicha uzoq turdi. Keyin oʻzi ham yiqildi. U qaytib turmadi.



Durbek Mahmudovdan

Ko'chiring. Aytilishi yozilishidan farq qilgan undoshlarning tagiga chizing. **39-mashq.** Topishmoqlarni oʻqing va javobini ayting.


1. Yer ostida oltin qoziq.





- 2. Qoziq ustida qor turmas.
- 3. Qoʻlsiz, oyoqsiz eshik ochar.





Bo'sh katakchalarda qaysi tovush yashiringan? Harflar birikmasi qatnashgan topishmoqni javobi bilan yozing.



40-mashq. Ko'chiring. Harflar birikmasining tagiga chizing.

Chotqol, Chirchiq, cho'mich, sha-mol, boshoq, singil, bodring, tong.

ng harflar birikmasi ishtirok etgan soʻzlarni qatnashtirib, gap tuzing va yozing.

41-mashq. Bo'sh kataklarga q yoki g' harflaridan mosini qo'yib o'qing.

q	а	У	m	O	igoplus	q	i	sh	I	O	igoplus	t	O	
р	i	sh	Ī	0			q	u		0		d	O	

Tuzgan soʻzlaringizni yozing. Qaysi soʻzlarda q undoshi gʻ tarzda talaffuz qilinadi? Shu soʻzlarning yozilishini izohlang.

42-mashq. Ifodali oʻqing. Ajratib koʻrsatilgan soʻzlarni koʻchiring. Undoshlarning tagiga chizing.

Top, o'rtoq!

Shu tik turgan joyingda Shimol-u sharq, g'arb qayoq? Top, o'rtoq!

Oymi, **quyosh** yo **yulduz** Qaysi biri yaltiroq? Top, oʻrtoq!

Obid Rasul

Savollarga og'zaki javob bering:

- 1. O'zbek tilida nechta undosh tovush bor?
- 2. O'zbek alifbosida undosh tovushlarni ifodalagan nechta harf bor?



43-mashq. Nuqtalar oʻrniga tegishli undoshni qoʻyib oʻqing.





Sevgan do'sti — **kito.-ofto.**, Qoidasi axloq-**odo.**. Maqtanishning hech o'zi yo'q, Gaplarida «sen» so'zi yo'q.


Obid Rasul

Koʻchiring. Ajratilgan soʻzlarning talaffuzi va yozilishidagi farqni ayting.


44-mashq. Oʻqing. Soʻzlarning talaffuzi va yozilishini taqqoslang.

tug — tuk — qarz — qars yod — yot — tub — tup ganj — ganch uflamoq — uvlamoq

Koʻchiring. Soʻzning ma'nosini oʻzgartirayotgan harfning tagiga chizing.
 Berilgan harflar qaysi tovushni ifodalaydi? Ular soʻzda qaysi tovush kabi aytilishi mumkin? Boʻsh kataklarga shu tovushni ifodalovchi harfni yozing.



45-mashq. Soʻzlarni oʻqing. Katakchalarga b va d undoshlaridan mosini qoʻyib koʻchiring.




Umi a Ozo Xurshi

So'z oxiridagi unli harfni tushirib o'qing. Oxirgi tovush qanday talaffuz qilinyapti?



- 46-mashq. Soʻzlarning aytilishi va yozilishini taqqoslang. Qaysi tovushlarning aytilishi bilan yozilishida farq bor?
- 1. Kitob, oftob, savob, javob, janub. 2. Ozod, obod, avlod, ajdod. 3. Mavj, avj, muhtoj. 4. Shavkat, shovqin.
- Ko'chiring. b, d, j va v undoshlarining tagiga chizing.



Davla., ozo., tu., tarvu., hiso., rubo., bar., Zayna., kopto., Abbo., talaffu., a.tobus, a.tomat, gara..

larni yozing.

48-mashq. Nuqtalar oʻrniga zarur harflarni qoʻyib oʻqing.

> Tanishaylik, men kito., Asl bilimlarga kon. Boylik beray behiso., Bo'lsang agar qadrdon.


> > **Qudrat Hikmat**

Kitob, bilim so'zlarini tahlil qiling.



49-mashq. Oʻqing. Topishmoqning javobini toping.

Dur shodalar uzilgandek **Koʻkdan** tushar **patirlab**. Yer yuzida turar andak Suv boʻlguncha **yaltirab**.



Ziyod Komilov

Ajratilgan soʻzlarni koʻchiring. Aytilishi yozilishiga mos kelmagan undoshlarning tagiga chizing.

Tutuq (') belgisi



- 50-mashq. Tutuq belgili soʻzlarning aytilishi va yozilishiga diqqat qiling.
- Rahmat olgan omondir, La'nat olgan yomondir.
- 2. Va'daga vafo mardning ishi.
- Ko'chiring. Maqollarning ma'nosini tushuntiring.
- **51-mashq.** Soʻzlarni tutuq belgisiga rioya qilib oʻqing.

da'vo — davo she'r — sher sur'at — surat ta'na — tana

Ko'chiring. So'zlarning ma'nosini izohlang.



52-mashq. Soʻzlarni tutuq belgisiga rioya qilib oʻqing.

Tal'at, va'da, jur'at, san'at, Ma'-mura, A'zam, she'r, sa'va.

Koʻchiring. Qaysi soʻzlarda tutuq belgisi tushirilsa, ma'no oʻzgaradi?

53-mashq. Tez va koʻp aytishga tayyorlaning.

Sa'va saharda sadada sayradi. Tal'at tandir tagidan tanga topdi.

Sa'va, Tal'at so'zlaridagi tutuq belgisini tushirib o'qing va ma'nosidagi farqni ayting. Sa'va so'zini tahlil qiling.

54-mashq. She'r nima haqida?

Ayoz dedi: — Sha'nimga she'r Yozmasang ham rahmat senga. Qizdiraman oyoq-qoʻling Birpas oʻynab bersang menga.

Abdurahmon Akbar

She'r va sher so'zlarini qatnashtirib, ikkita gap tuzib yozing.



55-mashq. Tutuq belgili oʻnta ism yozing.

Alifbo



56-mashq.

Alifbe va alifbo

Siz «Alifbe» kitobini oʻqidingiz. U orqali tovush va harflarni bilib oldingiz.

Alifbomizda 29 ta harf bor. Ulardan 3 tasi harflar birikmasi. 1 ta tutuq belgisi bor.

ALIFBO


Aa	Bb	Dd	Ee	Ff	Gg	
Hh	li	Jj	Kk	LI	Mm	
Nn	Oo	Pp	Qq	Rr	Ss	
Tt	Uu	Vv	Xx	Yy	Zz	
O'o'	G'g'	Sh sh	Ch c	h Ng	ng	

Alifboda harflar tartib bilan joylashadi.

Alifboni yozma shaklda yozing va uni yod oling.

57-mashq. Nuqtalar oʻrniga zarur harflarni qo'yib, gullar nomini o'qing.









gulsa.sar

Gul nomlarini alifbo tartibida yozing. Gul nomlarini qatnashtirib, bitta gap tuzing va yozing.

58-mashq. Soʻzlarni alifbo tartibida yozing. Qo'sh undoshlarning tagiga chizing.

Naggosh, rassom, varrak, novvot, izzat, kassa, mitti.

Soʻzlarning yozilishini yodingizda tuting. Shu soʻzlardan qatnashtirib, bitta gap tuzing va yozing.

2 - Ona tili. 1-sinf 33



59-mashq. Nuqtalar oʻrniga zarur harflarni qoʻyib, soʻzlarni alifbo tartibida koʻchiring.

Pil.a, til.a, chit.ak, ik.i, has.a.

Foydalanish uchun harflar: I, t, k, s.

So'zlarning imlosini yodda tuting.



60-mashq. Nuqtalar oʻrniga zarur harflarni qoʻyib, soʻzlarni alifbo tartibida koʻchiring.

Yongʻo., sha.toli, an.ir, sho.ut, bo.om, ol.oʻri, to.olcha, d.lana.

Foydalanish uchun harflar: q, f, j, t, d, x, g', o'.

61-mashq. Bo'sh katakchalarga unli harflardan mosini qo'yib o'qing.

						M						
a	I	f	b	n	i	У		d	b	I	m	n
					S	Z	-	ch	?			

Savol va topshiriqlar:

- 1. So'z oxirida kelgan qaysi undoshlar talaffuzda o'zgaradi? Nima uchun?
- 2. Alifboni yoddan ayting.



Yoʻlbars, timsoh, zarra, kurak, supurgi, arra, kakku, qimmat.

Shu soʻzlardan qatnashtirib, bitta gap tuzing va yozing.

Bo'g'in

63-mashq. Soʻzlarni boʻgʻinlarga boʻlib oʻqing va namunadagidek yozing.

Namuna: Op-poq, ...

Sovuq, chana, yaxmalak, qoʻlqop, quyosh, musaffo, havo.

Musaffo so'zining ma'nosini ayting. So'z bo'g'inlarga bo'linadi.

64-mashq. Matnni oʻqing. Ajratilgan soʻzlarni boʻgʻinlarga boʻlib yozing.

Namuna: i-ni-dan, ...



Hasan va qaldirg'och

Hasan qaldirg'ochning **inidan** uchto'rtta **tuxum** olib tushdi.

Tuxumlarni joyiga qoʻy, onasi qargʻaydi, — dedi **buvisi**.

Hasan tuxumlarni joyiga qoʻydi.

Hikoyani davom ettiring. So'z nimalarga bo'linadi?



65-mashq. She'rni o'qing. So'z-larni bo'g'inlarga bo'lib, chiziqcha bilan yozing.

Namuna: Bo'-ri, ...

Senimi, shoshmay tur!

Boʻri quyonni tutmay,Nega paysalga solar?Qiziqsan, tutib yesa,Multfilm tugab qolar.

Rauf Tolib

Soʻzlar necha boʻgʻinli boʻladi?



66-mashq. O'qing. Topishmoq-ning javobini toping.

Suvga yoysa boʻladi, Soʻng oʻljaga toʻladi.

Topishmoqdagi soʻzlarni boʻgʻinlarga boʻling. Har bir soʻzda nechta unli tovush va nechta boʻgʻin bor?

Unli tovushlar bo'g'in hosil qiladi.

67-mashq. Matnni oʻqing. Ajratib koʻrsatilgan soʻzlarni boʻgʻinlarga boʻlib yozing.

Do'lana

Do'lana — togʻ oʻsimligi. Doʻlana togʻli joylarda, shagʻalli qiyaliklarda oʻsadi. Respublikamizda doʻlananing beshta turi bor. Uning mevasi juda koʻp kasalliklarga davodir.

Do'lana haqida nimalarni bilib oldingiz?



68-mashq. Oʻqing. Matn nima haqida ekan?

Xonqizi qoʻngʻizini koʻrganmisiz? Xonqizi qoʻngʻizining rangi qizil, ustida yetti dona xoli bor. Bu rang umrining oxirigacha oʻzgarmaydi.

Ikki va uch bo'g'inli so'zlarni bo'g'inlarga bo'lib yozing.

So'zlarni bo'g'inlab ko'chirish



69-mashq. Oʻqing. Soʻzlarning boʻgʻinlarga boʻlinishini va boʻ-gʻinlab koʻchirilishini kuzating.

Bo'g'inlarga bo'lish:

Mu-qad-das, sar-kar-da, A-zim-jon, o-na-xon

Bo'g'inlab ko'chirish:

Muqad-das, Mu-qaddas, sar-karda, sarkar-da, Azim-jon, ona-xon

O'ylang. So'zlarning bir satrga sig'may qolgan qismi ikkinchi satrga qanday ko'chiriladi?

Soʻzlar bir satrdan ikkinchi satrga boʻgʻinlab koʻchiriladi.

70-mashq. Soʻzlarni koʻchirish qoidasiga moslab, boʻgʻinlarga boʻlib yozing.

Hilola, olma, sakkiz, oʻquvchi, kitob, ushoq, sur'at, ma'no.

🖲 Oʻylang. Soʻzlarni boʻgʻinga boʻlish bilan bo'g'inlab ko'chirish o'rtasida qanday farq bor?

71-mashq. Soʻzlarni boʻgʻinlab oʻqing. Bir satrdan ikkinchi satrga bo'g'inlab ko'chirib bo'lmaydigan so'zlarni yozing.

Qorbobo, G'ayrat, tennis, a'lo, odob, eshik, o'roq, o'rtoq, odam, opa, ozoda, asal, e'lon, uka.

🦲 Oʻylang. Siz yozgan soʻzlarni nima uchun bir satrdan ikkinchi satrga bo'g'inlab ko'chirib bo'lmaydi?



<u> 72-mashq.</u> Matnni oʻqing.

Paxtadan ip yigiriladi, gazlama to'qiladi. O'zbekiston paxtasi ko'pgina xorijiy ellarga sotiladi.

o Koʻchiring. Ajratilgan soʻzlarni 👅 ko'chirish qoidasiga ko'ra bo'g'inlarga bo'lib yozing.

73-mashq. Soʻzlardagi unli tovushlarning sonini ayting. Berilgan soʻzlar nima uchun bir satrdan ikkinchi satrga boʻgʻinlab koʻchirilmaydi?

Asr, qasr, harf, sharf, mart, mard, qadr, go'sht.

So'zlarning yozilishini yodingizda tuting.

74-mashq. Soʻzlarni boʻgʻinlarga boʻlib oʻqing.

Jiblajibon

Jiblajibon — foydali qush. U bahorda o'lkamizga birinchi bo'lib uchib keladi. Jiblajibon mayda hasharotlar bilan oziqlanadi.

Ajratib ko'rsatilgan so'zlarni ko'chirish qoidasiga ko'ra bo'g'inlarga ajratib yozing.

75-mashq. Maqolni oʻqing, ma'nosini tushuntiring.

> Kattani hurmat qil, Kichikni izzat gil.

Ko'chiring. Ajratilgan so'zlarni ko'chirish qoidasiga ko'ra bo'g'inlarga bo'lib yozing.



76-mashq. Soʻzlarni boʻgʻinlarga bo'lib o'qing.

Ra'no, ma'no, jur'at, sa'va, da'vo.

Oʻylang. Bu soʻzlar keyingi satrga qanday ko'chiriladi? So'zlarni ko'chirish qoidasiga koʻra boʻgʻinlarga bo'lib yozing.

77-mashq. She'rni o'qing.

Nashvati

Meni derlar Nashvati. Sharbatlarning Sharbati.

Mazzalarning Mazzasi. Lazzatlarning Lazzati.



Erkin Vohidov

Yonma-yon kelgan bir xil undoshli soʻzlarni boʻgʻin-tovush tomondan tahlil qiling.

78-mashq. She'rni o'qing. Ajratilgan so'zlarni tahlil qiling.

Yurtim chiroyli, Yashnagan **bahor**. Bogʻlarda **gullar** Bizga intizor.

Rauf Tolib

Tahlil namunasi:

- 1. Vatan: Va-tan (ikkita bo'g'in).
- 2. Beshta tovush, beshta harf.
- 3. Undosh tovush: v, t, n (uchta).
- 4. Unli tovush: a, a (ikkita).

79-mashq. Topishmoqning javobini toping.

Yoniga kelsa bolasi, Ta'zim qilar onasi. So'zlarni ko'chirish qoidasiga ko'ra bo'g'inlarga bo'lib, topishmoqni yozing.

Savollarga og'zaki javob bering:

- 1. So'zlar nimalarga bo'linadi?
- 2. Qaysi tovushlar boʻgʻin hosil qiladi?
- 3. Soʻzlar bir satrdan ikkinchi satrga qanday koʻchiriladi?
- **80-mashq.** Rasm yordamida sport oʻyinlariga oid soʻzlarning boʻgʻinlarini toping.



So'zlarni bo'g'inlarga bo'lib yozing.

SO'Z


So'zning ma'nosi



81-mashq. Rasmdagi shaxs va jonivorlarning nomini ayting. Ularga soʻroq bering.



uchadi suzadi yuguradi yozyapti



Shaxs va jonivorlarning harakatini bildirgan soʻzlarni oʻqing. Ularga soʻroq bering. Soʻzlar nimasiga koʻra farqlanyapti?

82-mashq. Ajratilgan soʻzlar qanday ma'no bildirayotganini ayting.

Sariq gul, shirin olma, aqlli qiz, beshta nok.

Soʻzlar shaxs, narsa, harakat, belgi, miqdor ma'nolarini bildiradi.

83-mashq. O'qing. So'zlarning qanday ma'no bildirayotganini ayting.

Qizil, koʻza, oʻn, soch, Gulsara, kuldi, katta, yetti, bodom, ochildi, shirin, besh, uxladi, ishchi, Durdona.

So'zlarni so'roqlar yordamida guruhlab yozing.

Kim?	Nima?	Nima qildi?	Qanday?	Necha?



84-mashq. Soʻzlarga soʻroq bering. Ularning qanday ma'no bildirayotganini ayting.

Muyassar, baland, shifokor, aqlli, oy, oʻqidi, soʻzladi.

So'zlarni so'roqlar asosida guruhlab yozing.

Kim?	Nima?	Qanday?	Nima qildi?




85-mashq. Juft holda berilgan so'zlarning ma'nosini izohlang.

Kul — koʻl, qol — qoʻl, qoʻy — toʻy, bil — bol.

So'zlarni so'roqlar asosida guruhlab yozing. So'z ma'nosini o'zgartirayotgan tovushni ayting.

86-mashq. Rasmni kuzating. Bolalarga ism qoʻying.



Savollarga rasm asosida javob bering:

- 1. Qaysi fasl boshlandi?
- 2. Kimlar sayrga chiqdi?
- 3. Bolalar qirda nima qildilar?
- Javobingizni yozing.



<u> 87-mashq.</u> Soʻzlarni oʻqing.

Muallim, kutubxonachi, quruvchilar, mehmonlar, shoir, qo'shnilar.

Avval kim?, keyin kimlar? so'roqlariga javob boʻlgan soʻzlarni yozing.



88-mashq. Koʻchiring.



Bahor keldi. Dehqon dala ishlarini boshladi.

Kim? soʻrogʻiga javob boʻlgan so'zlarning tagiga to'g'ri chiziq va nima qildi? soʻrogʻiga javob boʻlgan so'zlarning tagiga ikki chiziq chizing.

89-mashq. Soʻroqlarga mos so'zni qo'yib, gaplarni ko'chiring.

(Nima?) tindi. Chumoli (nima qildi?). (Qanday?) qushlar navosi boshlandi.

Foydalanish uchun soʻzlar: yomgʻir, oʻrmaladi, sayroqi.

🖲 Tuzgan gaplaringizdagi har bir so'z nimani bildiryapti?



90-mashq. Soʻroqlarga mos soʻzni qoʻyib yozing.

Quyosh (nima qildi?). (Kim?) bog'ga bordi. U bog'da (qanday?) daraxt oʻtqazdi.

Foydalanish uchun soʻzlar: chiqdi, bogʻbon, mevali.

Shaxs va narsaning nomini bildirgan soʻzlar



91-mashq. She'rni ifodali o'qing.

Ulug' Temur bobomiz Sevgan, sigʻingan Vatan! Bobur Mirzo doimo Qo'msab sog'ingan Vatan!

Rauf Tolib

Ko'chiring. Kim? so'rog'iga javob bo'lgan so'zlarning tagiga to'g'ri chiziq chizing.

92-mashq. Soʻzlarni oʻqing, ularga soʻroq bering.

Qush, gul, sabzavot, sabzi, turna, qaldirg'och, binafsha, chuchmoma, piyoz.


Qush, gul, sabzavot nomlarini aniqlang va guruhlab yozing.

Shaxsning nomini bildirgan so'z-lar kim?, narsaning nomini bildirgan so'zlar nima? so'rog'iga javob bo'ladi.



93-mashq. Rasmdagi shaxslarning kasbini ayting va yozing. Ularga soʻroq bering.











94-mashq. Nima? va nimalar?, kim? va kimlar? soʻroqlariga javob boʻlgan soʻzlarni topib yozing.

Qumri xola doshqozonda sumalak pishirdi. Odil, Nargiza Qumri xolaga yordamlashdi. Qumri xola bolalarga ertaklar va qoʻshiqlar aytib berdi. Bolalar koʻp narsalarni bilib olishdi.

Shaxslarni bildirgan soʻzlar kimlar?, narsalarni bildirgan soʻzlar nimalar? soʻroqlariga javob boʻladi.

95-mashq. O'qing. Avval kim?, so'ng nima?, nimalar? so'roqlariga javob bo'lgan so'zlarni ko'chiring.

Amir Temur bobomiz bogʻlar yaratgan. Bogʻlarning ichiga saroy, hovuz, favvoralar qurdirgan. U yerlarga mevali daraxtlar, gullar ektirgan.

Bogʻda tovus va ohular sayr qilib yurgan.

Xurshid Davrondan



96-mashq. Oʻqing. Soʻzlarni soʻ-roqlariga koʻra guruhlab koʻchi-ring.

Hovli, oʻyinchoqlar, Halima, daraxt, mehmon, gilam, zinapoya, ayvon, ustunlar, mezbonlar, Mukambar, chavandoz, tennis, oʻquvchilar.

Qaysi soʻzlarning yozilishini bilib oldingiz?

Kishilar ismi va familiyasining bosh harf bilan yozilishi



bobo Nurmat Husanov
buvi Sharofat Majidova
ota Hikmat Ne'matov
ona Xosiyat Nurmatova
aka Ne'mat Hikmatov
singil Dilafro'z Yo'ldosheva

Oila a'zolaringizning ismi va familiyasini yozing. Kishilarning ismi va familiyasi bosh harf bilan yoziladi.

98-mashq. Ismlarga familiya qo'-shib, matnni o'qing. Mazmunini hi-koya qiling.


Opa-singillar

Nilufar, Xurshida va Xolida _____opa-singillar. Ularning onasi Saodat _____ mohir chevar. Qizlar ham onalaridan bichish-tikishni oʻrganishgan.

Ismlarning imlosini yodda tuting.



99-mashq. Rasmni kuzating. Bolalarga ism qoʻying.



Savollarga javob yozing:

- 1. Kim kutubxonaga bordi?
- 2. Kutubxonada kimlar bor edi?
- 3. Kim Ma'murga kitob berdi?
- Yozgan gaplaringizdagi shaxs va narsa nomini bildirgan soʻzlarning tagiga chizing.

100-mashq. Oʻqituvchi va oʻquvchilarga ism va familiya qoʻying.



Savollarga javob yozing:

- 1. Kim oʻquvchilarni oʻqityapti?
- 2. Kimlar o'qituvchining gapini tinglayapti?

- Yozgan gaplaringizdagi ism va familiyani bildirgan soʻzlarning tagiga chizing.
- 101-mashq. Ifodali oʻqing. She'r kimlar haqida ekanini ayting.

Isib ketyapman

Davron dedi Omonga:

- Ketyapmiz qay tomonga?
- Janubga, dedi Omon.
- Sen buni bilding qandoq?
- Axir, yo'l yurgan sari Isib ketyapman, o'rtoq!

Rauf Tolib

Bolalar ismi nima uchun bosh harf bilan yozilgan?



102-mashq. O'qing. Tez aytishni o'rganing.

- 1. G'ulom sholg'om sho'rvani ichib sog'lom bo'ldi.
 - 2. Toʻlqin topishmoqni toʻgʻri topdi.

Ko'chiring. Bolalar ismini bildirgan so'zlarning tagiga bitta to'g'ri chiziq chizing. Ularga so'roq bering.

Joylarga atab qoʻyilgan nomlarning bosh harf bilan yozilishi





Toshkent — Oʻzbekistonning poytaxti. Toshkentning yerosti shahar-

chasi metro deyiladi. Metroning **Chilonzor**, **Oʻzbekiston**, **Yunusobod** yoʻnalishlarida poyezdlar qatnaydi.

Toshkentda Fransiya, Germaniya, Rossiya, Koreya, Yaponiya kabi koʻplab xorijiy davlatlarning elchi-xonalari joylashgan.

- Joy nomlari qanday harf bilan yozilgan? Nima uchun?
- 104-mashq. Oʻqing. Soʻroqlar yordamida joy nomlari va kishi ismlarini aniqlang.

Koʻhna Urganch Xorazm davlatining poytaxti edi. Uni Chingizxon qoʻshinlari vayron etdi. Jaloliddin Manguberdi Vatan ozodligi uchun kurashdi.

Ko'chiring. Joy nomlari va kishi ismlarining tagiga chizing. Matndan nimalarni bilib oldingiz? Siz vayron etdi deganda nimani tushunasiz?

Joylarga atab qoʻyilgan nomlar bosh harf bilan yoziladi.



105-mashq. Oʻqing. Matnda kimning yoshligi bayon qilingan?

Mening bolalik yillarim Fargʻona vodiysining Yaypan, Buvayda, Yulgʻunzor, Oqqoʻrgʻon degan qishloqlarida oʻtgan. Oʻtmish hayotimdan esimda qolganlarini «Oʻtmishdan ertaklar» asarimda yozdim.

Abdulla Qahhordan

Joy nomlarini ko'chiring. Ular nima uchun bosh harf bilan yozilgan? Ularga so'roq bering.



106-mashq. Matnni oʻqing. Joy nomlarini koʻchiring.

Qarshi

Qarshi — qadimiy va navqiron shahar. Qarshi shahridan temiryoʻl oʻtadi. Temiryoʻl Qarshini Toshkent, Fargʻona, Samarqand, Buxoro, Termiz shaharlari bilan bogʻlaydi.

Joy nomlarining imlosini tushuntiring. Ularga soʻroq bering. Ketmaket kelgan undoshlarning tagiga chizing.

Navqiron soʻzining ma'nosini bilasizmi?

107-mashq. Oʻzingiz bilgan shahar, qishloq, koʻcha nomlarini yozing.

Namuna:

Shaharlar:	Toshkent,		;	, <u> </u>	,	
Qishloqlar:						
Koʻchalar:	Qatortol,	,	,		,	



108-mashq. Ko'chiring. Joy nomlarining tagiga chizing.

Buxoro

Buxoro — qadimiy va navqiron shahar. Shaharda Labihovuz, Koʻkaldosh kabi yodgorliklar bor. Sayohatchilar Shohrud arigʻi boʻyida sayr qiladilar.

B. Saidomonovdan




Hayvonlarga atab qoʻyilgan nomlarning bosh harf bilan yozilishi

109-mashq. Har bir hayvon nomini unga atab qoʻyilgan nom bilan yozing.

mushuk
it
Olapar, Qoplon
Boychibor
ot
Qashqa, Govmish
sigir
Popuk, Momiq

Yozganlaringizni tekshiring. Hayvon nomlari nima uchun bosh harf bilan yozilgan? 110-mashq. Birinchi ustunga hayvon nomlarini, ikkinchi ustunga ularga atab qoʻyilgan nomlarni yozing.





Baroq Toʻrtkoʻz Qorabayir Targʻil



Ikkinchi ustundagi soʻzlarni nima uchun bosh harf bilan yozdingiz?

Hayvonlarga atab qoʻyilgan nomlar bosh harf bilan yoziladi.




111-mashq. Berilgan soʻzlardan bir-biriga mosini tanlab gaplar tuzing va yozing. Gaplarni bosh harf bilan boshlang.

Olapar Mosh Boychibor kishnaydi vovullaydi miyovlaydi Hayvonlarga atab qoʻyilgan nomlarning tagiga chizing.



112-mashq. Rasmdagi narsalarning nomini ayting va yozing.



Bu soʻzlar qaysi soʻroqqa javob boʻladi?

113-mashq. Kishilarning ismini va joy nomlarini guruhlab yozing.

Ko'hna Turon farzandlari

Men Shiroqman, Vatan uchun jon fido qilgan.

Men — Toʻmaris, Vatan uchun dilbandidan kechgan. Men — Najmiddin Kubro, Xorazm elini ogʻir paytda Tashlab ketmagan.

Dilbandi so'zining ma'nosini bilasizmi?

Savollarga og'zaki javob bering:

- 1. So'zlar nimalarga nom bo'ladi?
- 2. Kishilarning ismi va familiyasi qaysi so'roqqa javob bo'ladi?
- 3. Nima? so'rog'i qaysi so'zlarga beriladi?
- 4. Hayvonlarga atab qoʻyilgan nomlar qanday harf bilan yoziladi?

114	-mashq. nomlarini	Chiziqlar	oʻrniga
joy	nomlarini	qoʻyib,	gaplarni
koʻc	hiring.		

Men	ko'chasida	yashay-
man. O'rtog'im		koʻchasi-
da yashaydi.	Bizning	
nomli mahallami	z juda obod	

Shaxs va narsaning harakatini bildirgan soʻzlar



115-mashq. Nuqtalar oʻrniga kim? soʻrogʻiga javob boʻlgan soʻz qoʻyib yozing.

... oʻqitadi, ... oʻqiydi, ... davolaydi, ... oʻynaydi.

Harakatni bildirgan so'zlarning tagiga ikki to'g'ri chiziq chizing.

Namuna: Qizcha oʻynaydi.

116-mashq. Bolalar nima qilayotganini bir so'z bilan ayting. Shu so'zlarga so'roq bering.



🖲 Bolalarga ism qoʻyib, harakatni bildirgan soʻzlar bilan yozing.

Shaxs va narsaning harakatini bildirgan so'zlar nima qildi?, nima qilyapti?, nima qiladi? so'roqlariga javob boʻladi.



117-mashq. Oʻqing. Nima qil-di?, nima qilyapti?, nima qiladi? so'roqlariga javob bo'lgan so'zlarni topib, guruhlab yozing.

Olma, anor, qochdi, qizil, qo'ndi, ishlaydi, uzyapti, behi, chiqyapti, deraza, kelyapti, oladi, qoladi, chiqdi.

Qaysi soʻzlarning imlosini bilib oldingiz?

118-mashq. She'rda qaysi fasl tasvirlangan?

> Togʻda nega Eridi qor?

3 - Ona tili, 1-sinf 65



Nega loyqa Oqar anhor? Nega gullar Kuldi takror? Chunki yana Keldi

Chiziq o'rniga fasl nomini qo'ying. Harakatni bildirgan so'zlarni toping.

119-mashq. She'rni o'qing. So'-roqlar yordamida harakatni bildirgan so'zlarni toping.

Yaproqlar

Zumrad, yashil yaproqlar Shovullaydi bogʻlarda. Soyasiga chorlaydi Kun qizigan chogʻlarda.

Bizlar uchun
chang yutib,
Tozalaydi havoni.
Koʻzimizga
yashnatib
Koʻrsatadi
dunyoni.

Qambar Ota


 Yaproqlar, chorlaydi soʻzlarini qaysi soʻzlar bilan almashtirish mumkin?
 Chang yutib deganda nimani tushunasiz?

120-mashq. Berilgan soʻzlardan foydalanib, savollarga javob yozing. Harakatni bildirgan soʻzlar tagiga ikki toʻgʻri chiziq chizing.

Namuna: Bola <u>kuladi</u>, <u>yuradi</u>, <u>oʻy-</u> <u>naydi</u>.

Kim kuladi, yuradi, oʻynaydi? Nima oqadi, qaynaydi, soviydi? Nima sayraydi, uchadi? Nima teriladi, yigiriladi? Nima yuguradi, chopadi, kishnaydi?

Foydalanish uchun soʻzlar: bola, qaldirgʻoch, suv, ot, paxta.



Bahor keldi. Bogʻlarda gullar ochildi. Ariqlarda suvlar shildirab oqdi.

Jamalak sochli Zumrad bogʻga kirdi. U olxoʻridan dovuchcha soʻradi. Olxoʻri dedi: «Tez kunlarda pishaman, yerga tap-tap tushaman. Oʻshanda kel, qizaloq...»

Mirmuhsindan

Harakatni bildirgan so'zlarning tagiga ikki to'g'ri chiziq chizing.



122-mashq. Narsaning harakatini bildirgan soʻzlarni oʻqing.

gʻaramlaydi



o'radi

yanchadi

yig'adi

Kombayn bajaradigan ishlarni tartib bilan ayting. **123-mashq.** Soʻzlarni oʻqing. Ular nimani bildiradi?

To'quvchi, kapalak, baliq, suv.

- Shaxs va narsa nomlariga mos harakatni bildirgan so'z topib yozing.
- **124-mashq.** Oʻqing. Harakatni bildirgan soʻzlarni topib koʻchiring.

Men Javohir bilan dalaga bordim. Shudring tushgan o'tloqda rosa aylandik. Ikkalamiz bir xalta yalpiz, jag'jag', ismaloq terdik.

Yalpiz, ismaloq, jagʻjagʻ kabi dorivor koʻkatlarning foydasini bilasizmi?

Savollarga og'zaki javob bering:

- 1. Shaxs va narsaning harakatini bildirgan soʻzlar qaysi soʻroqlarga javob boʻladi?
- 2. Shaxs va narsaning harakatini bildirgan soʻzlar tagiga nechta chiziq chiziladi?



🚹 125-mashq. Quyida berilgan savollarga javob yozing.


- 1. Hozir siz qaysi kitobni oʻqiyapsiz?
- 2. Siz biror toʻgarakka boryapsizmi?
- Shaxs va narsaning harakatini bildirgan soʻzlarni topib, tagiga ikki chiziq chizing.

Shaxs va narsaning belgisini bildirgan soʻzlar



126-mashq. Oʻqing. Ajratib koʻrsatilgan soʻzlarga soʻroq bering.

Oq gulim, oppoq gulim, Ushlab koʻrsam yumshoq gulim.



Namuna: Oq gulim, ...

Shaxs va narsaning belgisini bildirgan so'zlar qanday?, qanaqa? so'roqlariga javob bo'ladi.

127-mashq. Matnni oʻqing. Qanday?, qanaqa? soʻroqlariga javob boʻlgan soʻzlarni toping.

Qishlogʻimizda gilos, olma bogʻlari bor. Bahorda mevali daraxtlar oq, pushti rangda gullaydi. Yozda va kuzda shirin va mazali mevalar pishadi. Biz mevalarni terishda bogʻbonga yordam beramiz.

So'roqlar o'rniga mos so'zni qo'yib yozing.

Qanday? bogʻ, qanday? daraxtlar, qanaqa? rang, qanday? mevalar.

128-mashq. Chiziqlar oʻrniga belgini bildirgan soʻzlarni qoʻyib, gaplarni oʻqing.

Polizda	qovunlar pishdi.	
Men	ertak oʻqidim.	
Bozordan	olma sotib oldik	ζ.



129-mashq. Belgini bildirgan soʻzlarga mos shaxs yoki narsaning nomini bildirgan soʻzlar topib, namunadagidek yozing.

Chiroyli, odobli, shirinso'z, mahma-dona, aqlli, go'zal.

Namuna: Chiroyli shahar, ...

Ma'nodosh so'zlarni topib ayting.



130-mashq. O'qing. So'zlarga so'roq bering.

Ko'k, dumaloq, oq, shirin, sershox, nordon, achchiq, pakana, sariq, yashil, uzunchoq, chuchuk, mazali, qizil, qiyshiq, bemaza.

So'zlarni ma'nosiga ko'ra guruhlarga ajratib yozing.

Rang	Maza	Shakl
bildiruvchi	bildiruvchi	bildiruvchi
soʻzlar	soʻzlar	soʻzlar

131-mashq. Chiziqlar oʻrniga berilgan soʻzlardan mosini qoʻyib, gap tuzing va yozing.

- 1. _____ bola elga manzur.
- 2. ____ gap bilan ilon inidan chiqadi.
 - 3. _____ soʻzni soʻzlama.
- 4. Yolg'onchining _____ gapi ham yolg'on.

Foydalanish uchun soʻzlar: yaxshi, yolgʻon, rost, odobli.

Qanday? so'rog'iga javob bo'lgan so'zlarning tagiga to'lqinli chiziq chizing.



132-mashq. Topishmoqning javobini toping. Uni topishda sizga qaysi soʻzlar yordam berdi?



- Oʻzi shirin, tukligina, Mazasi ham totligina.
 - Oq sandigʻim ochildi, Olamga zar sochildi.

Ko'chiring. Qanday?, qanaqa? so'-roqlariga javob bo'lgan so'zlarning tagiga to'lqinli chiziq chizing. Totli so'ziga ma'nodosh so'z toping.

133-mashq. Rasmni kuzating. Bolalarga ism qoʻying.



Savollarga javob yozing:

- 1. Bolalar nima qilyapti?
- 2. Bog'da qanday gullar ochilgan?
- 3. Gullarga qanday kapalaklar qo'nyapti?
- Belgini bildirgan so'zlarning tagiga chizing.

134-mashq. Har bir ustunchadagi soʻzlardan gap tuzib yozing.

issiq koʻm-koʻk qoqigullar boshlandi koʻkardi sariq kunlar maysalar ochildi

Qanday?, qanaqa? so'roqlariga javob bo'lgan so'zlarning tagiga to'lqinli chiziq chizing. Ular nimalarning belgisini bildiryapti?

135-mashq. Oʻqing. Gapdagi soʻz-larni ma'nolariga koʻra tahlil qiling.

Saida chiroyli gullar terdi. Komil qiziq hikoya oʻqidi.

Namuna: Saida – kim? shaxs ma'nosi; gullar – nimalar? narsa ma'nosi; terdi – nima qildi? harakat ma'nosi.

Savollarga ogʻzaki javob bering:

 Shaxs va narsaning belgisini bildirgan soʻzlar qaysi soʻroqlarga javob boʻladi? 2. Rang, maza, shakl bildirgan so'zlarga misollar keltiring.



136-mashq. Belgini bildirgan soʻzlarni rasmdagi shaxs va narsa nomlari bilan yozing.









Shaxs va narsaning miqdorini va tartibini bildirgan soʻzlar

137-mashq. Raqamlarni oʻqing. Ularning har biriga soʻroq bering.

1, 2, 3, 4, 5, 6, 7, 8, 9, 10

Beshta raqamni nom bildirgan soʻzlar bilan yozing.

Namuna: Bitta olma, ...



138-mashq. She'rdagi necha? so'rog'iga javob bo'ladigan so'z-larni toping.

Laylaklar



Moʻjaz hovuz, Qoʻsh olmurut, Bir juft chinor. Uch tup yashil Baqaterak Adl turar. Ikki laylak Xashak tashir, Bir daraxtni Makon etdi, Ark qildi.

Tursunboy Adashboyev


- Ko'chiring. Miqdorni bildirgan so'zlarning tagiga to'lqinli chiziq chizing.
- Adl, ark so'zlarining ma'nosini bilasizmi?

Shaxs va narsaning miqdorini bildirgan soʻzlar necha? yoki nechta? soʻrogʻiga javob boʻladi.



139-mashq. Raqamlarni soʻzlar bilan oʻqing va namunadagidek yozing.

Namuna: Bir yil — oʻn ikki oy, ...





140-mashq. Namunaga qarab oʻqishni oʻrganing.

Namuna: 1-sinf — birinchi sinf, ...

1-sinf, 7-ko'cha, 5-qator, 3-uy, 2-farzand.

- Raqamlarni soʻz bilan yozing. Qaysi raqamlarning nomida qoʻsh undosh yoziladi?
- O'ylang. Chiziqcha o'rniga qaysi qo'shimcha yozildi?

Shaxs va narsaning tartibini bildirgan soʻzlar nechanchi? soʻrogʻiga javob boʻladi.

141-mashq. Raqamlarni narsa yoki shaxs nomini bildirgan soʻzlar bilan namunadagidek yozing.

Namuna: O'n beshinchi qator, ...

2-, 14-, 7-, 8-, 19-.

142-mashq. Nechta? nechanchi? soʻroqlari oʻrniga miqdor, tartibni bildirgan soʻzlarni qoʻyib oʻqing.

Nechta? eshik, nechanchi? sinf, nechta? deraza, nechanchi? qator, nechta? oʻquvchi.

Namuna: Bitta eshik, ...

Savol va topshiriqlar:


- Shaxs va narsaning miqdorini bildirgan so'zlarning so'rog'ini ayting.
- Shaxs va narsalarning tartibini bildirgan so'zlarning so'rog'ini ayting.
- 3. Miqdorni bildirgan yonma-yon kelgan bir xil undoshli soʻzlarni yozing?



143-mashq. Oʻqing. Topishmoqning javobini toping.



 Besh juft oshna Doim ishga tashna. Toʻrtta uning oyogʻi,
 Temir mixli tuyogʻi.
 Manzilga yetishtirar,
 Toshdan qattiq tuyogʻi.



Necha?, nechta?, qanday? so'roqlariga javob bo'lgan so'zlarni topib yozing.

144-mashq. O'qing. Matnning nima haqida ekanini ayting.



Qadimda odamlar baland osmonda uchishni orzu qilganlar. Afsonaviy uchar gilamlar haqida ertaklar to'qishgan. Ularning orzulari haqiqatga aylandi. Ixcham va qulay samolyotlar

4 — Ona tili, 1-sinf **81**

yaratildi. Hozir Oʻzbekistondan jahonning koʻplab mamlakatlariga samolyotlar qatnamoqda.

- Shaxs, narsa, belgi va harakatni bildirgan soʻzlarni toping.
- So'zlarning imlosini yodda tuting.

145-mashq. Oʻqing. She'rning dastlabki toʻrt misrasini koʻchiring.

O'rmonda

Chak-chak tomib sumalak, Koʻzlarini yoshlaydi.
Ariqchalar chuldirab,
Qoʻshigʻini boshlaydi.
Jonivorlar uqtirar
Mudroq ayiqpolvonga:
— Ajablanma, maymoqvoy,
Bahor keldi oʻrmonga!

Hamza Imonberdiyev

Narsaning harakatini bildirgan so'zlarning tagiga chizing.



146-mashq. Ko'chiring. Raqam-larni so'z bilan yozing.



- 2 yaproq 1 tanda,
 Yozda kezar chamanda.
- 2. Quyon emas, uzun quloq, Ot emas, 4 ta tuyoq.



Necha? yoki nechta? so'roqlariga javob bo'ladigan so'zlarning tagiga to'lqinli chiziq chizing.

Namuna: Ikki yaproq, ...



147-mashq. Soʻroqlar oʻrniga mos soʻz qoʻyib, gaplarni oʻqing.

- 1. Kimlar? quyon boqdi.
- 2. Quyonlar nechta? bo'ldi.
- 3. Bolalarga qanday? quyonlar yoqdi.
- Gaplar nimalardan tuzilgan?

148-mashq. Ko'chiring. She'r ni-ma haqida ekanini ayting.

Vatanim — quyosh, Boshimni silar. U menga koʻz-qosh, Iqbolim tilar...

Obid Rasul

Ajratib koʻrsatilgan soʻzlarga soʻroq bering. Ular nimani bildiryapti?



149-mashq. Ko'chiring. Hara-katni bildirgan so'zlarning tagiga chizing.



Chiniqish

Erta tongda turaman, **Hovlida yuguraman**.

Mashq qilib: bir, **ikki**, uch...

Chiniqaman **toʻplab** kuch.

Sobir Jabbor

Ajratib koʻrsatilgan soʻzlarning imlosini yodda tuting.

NUTQ. GAP

Ogʻzaki nutq va yozma nutq

150-mashq. Ustoz va shogirdga ism qoʻyib, rasm mazmunini hikoya qiling.



Siz tuzgan hikoya nima deyiladi? Nutqingiz nimalardan tuzildi?

151-mashq. Matnni oʻqing.

Anvar rassom boʻlishni istaydi. U koʻm-koʻk dala, begʻubor osmon rasmini chizdi. Rasm oʻrtoqlariga yoqdi. Ko'chiring. Anvar haqida nimalarni bilib oldingiz? Siz qanday nutq o'qidingiz? Hikoya nimalardan tuzilgan?



152-mashq. O'qing. Hikoya ni-malardan tuzilgan?

Ziyofat

Bahorda Orifjon yetti yoshga toʻldi. U Furqat, Farhod, Nilufarni uyiga taklif qildi. Orifjonning onasi bolalarni shirinliklar bilan mehmon qildi.

Ko'chiring. Shirinliklarga nimalar kirishini ayting.

153-mashq. Rasm asosida savollarga javob bering.

«Mehmon-mehmon» o'yini







- 1. Mehmon kelganda qanday kutib olinadi?
- 2. Mehmonning qoʻliga suv qanday quyiladi?
- 3. Mehmonga sochiq qanday tutiladi?
- **154-mashq.** Oʻqing. Siz qanday nutq oʻqiganingizni ayting.

Zarif va Zafar

Zarif shaharda yashaydi. U qishloqdagi xolasining uyiga bordi. Zarif u yerda Zafar akasiga yordamlashdi.

- Ko'chiring. Yordamlashdi so'ziga ma'nodosh so'zlar toping.
- 155-mashq. Oʻqing. Siz qanday nutq oʻqiganingizni ayting.

Afrika jirafasi tez yuguradi. U katta qadam tashlaydi. Yugurganda uning har bir odimi toʻrt-besh metr keladi.

Koʻchiring. Matndan qadam soʻziga ma'nodosh soʻzni toping.

Gap



156-mashq. Oʻqing. Har bir gapning oxirida ovozingizni pasaytiring.

Biz hayvonot bogʻiga bordik. Bogʻ keng maydonni egallabdi. Hayvonot bogʻida dengiz akvariumi ham bor ekan.

Koʻchiring. Nechta gap yozdingiz? Har bir gap qanday harf bilan boshlangan? Dengiz akvariumi deganda nimani tushundingiz?

Gap soʻzlardan tuziladi. Gapning birinchi soʻzi bosh harf bilan yoziladi.

157-mashq. Oʻqing.

Quddus Muhammadiy

Quddus Muhammadiy — bolalarning sevimli shoiri. Bolalar shoirning «Tabiat alifbesi» kitobini sevib oʻqiy-

dilar. Bu kitob ona tabiatni va jonivorlarni sevishga o'rgatadi.

Ko'chiring. Nechta gap yozdingiz? Gaplar sonini qanday aniqladingiz?



158-mashq. Oʻqing. Matn nech-ta gapdan iboratligini aniqlang.

Shohimardon

Shohimardon — Farg'ona vodiysining chiroyli joylaridan biri. U yerda oromgohlar koʻp.

Shohimardon yaqinidagi baland cho'qqilarda alpinistlar mashq oʻtkazishadi.

Ko'chiring. Ajratilgan so'zlarning imlosini yodda tuting.



159-mashq. Hikoya kim haqida yozilgan? Unda nechta gap bor?

Farhod bobosi bilan dala hovliga bordi. Bobosi daraxtlarni, toklarni parvarish qildi. Farhod bobosining ishlariga yordamlashdi.

Ko'chiring. Ajratilgan so'zlarning imlosini yodda tuting.

160-mashq. O'qing. Ertak nechta gapdan tuzilganini ayting.

Qadim zamonda bir kampir bilan chol yashagan ekan. Ular ovchilik bilan kun koʻrishar ekan.

Chol tuzoq qoʻyibdi. Tuzoqqa katta laylak tushibdi. Shu payt laylak odamday soʻzlay boshlabdi...

(Ertakdan)

Birinchi va to'rtinchi gaplar kim va nima haqida aytilgan? Ertakni davom ettiring.



161-mashq. Chiziqlar oʻrniga tushirib qoldirilgan soʻzlarni qoʻ-yib, matnni koʻchiring. Gaplar oxiriga tegishli tinish belgisini qoʻying.

Yordamchi qiz

Mening	yax	kshi p	pazanda
Onam jizzali		yopadi	Onam
taomla	pishira	di Ona	am tay-
yorlagan lagʻ	mon,	manti,	norin
menga Me	en doim	onam	ga

Foydalanish uchun soʻzlar: onam, nonlar, mazali, yoqadi, yordamla-shaman.

162-mashq. Ko'chiring. She'rdagi har bir gapning oxiriga qaysi tinish belgilari qo'yilgan? Nima uchun?

Yurak kerak

— Yomgʻir quysa, osmonga Nima kerak?

- Chelak kerak.
- Qor yogʻsa-chi, osmonga Nima kerak?
- Elak kerak.
- Yomgʻir, qordan qoʻrqqanga Nima kerak?
- Yurak kerak!

Po'lat Mo'min

So'roq belgili gaplar qanday mazmun bildiryapti?

Xabar mazmunidagi gapning oxiriga nuqta (.) qoʻyiladi.

So'roq mazmunidagi gapning oxiriga so'roq belgisi (?) qo'yiladi.

His-hayajon mazmunidagi gapning oxiriga undov belgisi (!) qoʻyiladi.

163-mashq. Oʻqing. Nima uchun ayrim gaplar oxiriga soʻroq belgisi qoʻyilgan?

Tog'dan so'rashdi:

- Sendan qudratli narsa bormi?
- Bor, Inson bilan Mehnat.

- Sen-chi, sen nima deysan, ona Yer?
- Men Inson va **Mehnat** bilan tirikman.
- Ha, azim **Togʻ**, ona **Zamin**ning hukmdori **Inson** va Mehnatdir.

(Ertakdan)

- Nega ajratib koʻrsatilgan soʻzlar bosh harf bilan yozilgan?
- Sizningcha, dunyoda kim qudratli?



164-mashq. Har bir gapni tugallangan ohang bilan oʻqing. Hikoya nechta gapdan tuzilgan?

Hovlimizda bir tup gilos bor Gilosimiz pishdi U pishishi bilan hovlimiz qushlarga toʻldi Mening qushlarga havasim keldi Men ham oʻrtoqlarimni gilosxoʻrlikka taklif qildim

Gaplar oxiriga tegishli tinish belgisini qoʻyib koʻchiring. **165-mashq.** Qoʻzichogʻim soʻzini harakatni bildirgan soʻzlar bilan koʻ-chiring.



Sezgir cho'pon

Qoʻzichogʻim ma'raydi, Menga zimdan qaraydi. Bu qarashning ma'nosi— Oʻt bilan suv soʻraydi.

Anvar Obidjon

Gaplarning oxiriga nima uchun nuqta qoʻyilgan?

166-mashq. Oʻqing. Ertakka sarlavha qoʻying.

Chumoli bugʻdoyni iniga olib ketayotgan edi. Chumchuq pirillab uning yoniga tushdi va dedi:

- Chumoli, bugʻdoyni menga ber. Chumoli dedi:
- Qanoting bor, koʻzing bor.
 Oʻzing topib ye.

Aziz Abdurazzoqdan

Birinchi va oxirgi gaplarda nima haqida so'z boryapti?



167-mashq. Oʻqing. Topishmoq she'rning javobini toping.

Topishmoq she'r

Boʻy-bastimga qara, boq, Qiziqqon olovman naq. Shu sababdan doimo Hamrohim hayajon, zavq.



Anvar Obidjon

• Ko'chiring. Topishmoq she'rga yana qanday sarlavha qo'yish mumkin?

168-mashq. Tinish belgilarining qoʻyilishiga e'tibor berib, suhbatni oʻqing.

Bir kuni Ra'no buvisi bilan suhbatlashdi.

- Boychechak qayerda o'sadi?
- Huv o'sha qir-adirlarda o'sadi.

Tepalik etagida boychechak uxlab yotibdi.

- U qachon uygʻonadi?
- ...Bahor kelganda eng birinchi bo'lib boychechak uyg'onadi!

Aziz Abdurazzoqdan

- Gaplarning oxiriga nima uchun nuqta, soʻroq yoki undov belgisi qoʻyilgan?
- Ra'noning buvisi aytgan gaplarni ko'chiring.

169-mashq. Oxiriga soʻroq va undov belgisi qoʻyilgan gaplarni koʻchiring. Gaplar oxiriga tinish belgilarining qoʻyilish sababini tushuntiring.

Qasos



(Hazil she'r)

Qalaysan, babaq xoʻroz? Qoʻlga tushding, Qanday soz! Uyqum buzib har safar, Qichqirarding har sahar. Quvsam, tutqich bermasding, Hech gapimga kirmasding. Berolmaysan endi pand, Seni yeyman, xoʻrozqand!

Anvar Obidjon



170-mashq. «Oʻqish kitobi»dagi «Olma» hikoyasidan soʻroq gaplarni topib koʻchiring.



- Siz ona tili darsida nimalarni o'rgandingiz?
- 2 Ona tilidan uyga qanday vazifa berildi?
- 3. Uy vazifasini oʻzingiz bajarasizmi?
- Savollarga javob bering va yozing.

172-mashq. O'qing. Topishmoqning javobini ayting. Topishmoq nechta gapdan tuzilganini aniqlang.



Maydoni tekis, oppoq, Urugʻi qora munchoq. Qo'l bilan ekiladi, Ko'z bilan teriladi.

Ko'chiring. Qanday? so'rog'iga javob bo'ladigan so'zlarning tagiga chizing.



173-mashq. Ohang yordamida gaplarning chegarasini aniqlang.

Men Saidjon bilan qishloqqa bordim qishloq shahardan salqin ekan quyosh issig'ini daraxtlar sezdirmaydi biz anhorda cho'mildik

Gaplarning oxiriga tegishli tinish belgisini qoʻyib koʻchiring.

174-mashq. Oʻqing. Tengdoshingiz kim haqida hikoya qilib berdi?

Mening bobomni bilasizmi? Mening bobom — choʻpon. Bobomning qirda qoʻylari koʻp. Bobom doim otda yuradi. Bobom uloqda hech kimni oldiga tushirmaydi.

Hakim Nazirdan

Ko'chiring. Nima uchun gaplar oxiriga so'roq belgisi va nuqta qo'yilgan?

175-mashq. Ibn Sino bilan otasining gapini topib koʻchiring.

Ibn Sino

Bir kuni otasi Ibn Sinodan soʻrabdi:

— Bolam, katta boʻlganingizda kim boʻlasiz?

Ibn Sino shunday javob beribdi:

 Men tabib bo'laman. Sizni, onamni, hamma odamlarni davolayman.

«Asotir va rivoyatlar»dan

Koʻchirgan gaplaringiz oxiriga qanday tinish belgilari qoʻyilgan? Nima uchun?



177-mashq. Har bir qatordagi soʻzlardan gap tuzing va yozing.

Yashil, koʻkardi, oʻtlar Daraxtlar, yozdi, barg ochildi, Qizil, gullar sayradi, Bulbullar, shoʻx

Gaplarning oxiriga qanday tinish belgisi qoʻydingiz? Nima uchun?

178-mashq. Oʻqing. Matn nechta gapdan tuzilganini ayting. Gaplar oxiriga nima uchun soʻroq belgisi yoki nuqta qoʻyilgan?

Maktub tashuvchi kabutar haqida eshitganmisiz?

Ular bir yurtdan ikkinchi yurtga xat tashiydi.

- Ko'chiring. Maktub va xat so'zlari qanday ma'noni bildiradi?
- 179-mashq. Oʻqing. Matn nechta gapdan tuzilgan?
- Yoʻldosh bobo, nega boʻrini hamma yomon deydi? Uning hech yaxshi ishi yoʻqmi?
- Bir kuni choʻl-u biyobonda qolib ketib, suv qidira boshladik. Uzoqda bir jonivor yer kovlayotganini koʻrdik. U boʻri ekan. Biz boʻrining sahroda suv bor joyni bilishiga guvoh boʻldik.

Zamira Ibrohimovadan

Gaplarning oxiriga nima uchun soʻroq yoki nuqta qoʻyilgan?

Savollarga ogʻzaki javob bering:

- 1. Nutq deganda nimani tushunasiz?
- 2. Nutq nimalardan tuziladi?
- 3. Gapning birinchi soʻzi qanday harf bilan yoziladi?

4. Gaplarning oxiriga qaysi tinish belgilari qoʻyiladi? Nima uchun?



180-mashq. She'rni o'qing. She'r nima haqidaligini ayting.

Yaxshi soʻz



Uchrashib qoldi Burgut va kaptar. Biri-biridan Hol-ahvol soʻrar:

- Nima gap togʻda?
- Tinchlik togʻlarda!Nima gap bogʻda?
- Tinchlik bogʻlarda!

Dil ravshan tortib, Chaqnar edi koʻz. Hammaga yoqar Tinchlik degan soʻz.

Habib Rahmat

Ikkinchi toʻrtlikni koʻchiring. Gaplar oxiriga qaysi tinish belgilari qoʻyilgan? Nima uchun?

O'QUV YILI OXIRIDAGI TAKRORLASH

181-mashq. She'rning dastlabki ikki misrasini ko'chiring. Unlilar tagiga bitta, undoshlar tagiga ikkita chiziq chizing.

Orzu

Biz Vatanning yulduzi, Ertasi — umid koʻzi, Xizmat qilmoq baxt oʻzi. Tilimizda shu orzu, Dilimizda shu orzu.

Habib Rahmat

182-mashq. Oʻqing. Soʻzlarni boʻgʻinlarga boʻling.

Ilmning cheki yoʻq. Qancha koʻp oʻqisangiz, bilimingiz shuncha oshadi. Odam ilm bilan yuksaklikka koʻtariladi.



183-mashq. Nuqtalar oʻrniga x va h harflaridan mosini qoʻyib, soʻzlarni boʻgʻinlarga boʻlib yozing.

- .ovli, .alq, .olva, .ikoya, .arf, .irmon, me.mon, xonta.ta, me.ribon.
- Yozganlaringizni lugʻatdan tekshiring.

184-mashq. Topishmoqning javobini toping. Ajratilgan soʻzlarga soʻroq bering. Ular nimani bildiryapti?



Oyogʻi yoʻq-ku, lekin Pastga qarab chopadi. Bogʻ-rogʻlar-u sahrolar Undan hayot topadi. Agar chiqmasa quyosh, Xafa boʻlib toʻkar yosh.

185-mashq. O'qing.

Bolalar bilan hayvonot bogʻiga bordik. U yerda choʻl va sahrolarda, togʻ va oʻrmonlarda yashaydigan hayvonlarni koʻrdik.

Ikkinchi gapni koʻchiring. Shaxs, narsa va harakatni bildirgan soʻzlarning tagiga tegishli chiziqlar chizing.

186-mashq. O'qing.





Kishilar qadim zamonlardan buyon nonni e'zozlaydilar. Uni oltinga, quyoshga qiyoslaydilar. Nonni tejaydilar. Non — hammamizning rizqro'zimiz.

Kimlar?, nima?, nimalar?, nima qiladilar? soʻroqlariga javob boʻlgan soʻzlarni toping.



187-mashq. O'qing.





Tulki hidni tez sezadi. U qishda sichqon ovlaydi.

Tulki bahorda yoki yozning boshida bolalaydi. Bolalari toʻrt oylik boʻlganda mustaqil boʻladi.

Nima qiladi? soʻrogʻiga javob boʻlgan soʻzlarni koʻchiring. 188-mashq. O'qing. Gaplarning oxiriga qaysi tinish belgisi qo'yilgan? Nima uchun?

— Kecha-kunduz necha soat, Qani, ayt-chi, Adolat?

Topdim-topdim, bilib oldim,
 U yigirma to'rt soat.



Obid Rasul

189-mashq. Oʻqing. Matndan ni-malarni bilib oldingiz?

- Quchoq-quchoq **lola** teribsizlar. Togʻga chiqdinglarmi?
- Ha, togʻ etagida sariq, qizil lolalarni terdik.
- Ilgari **Iolalar** bogʻlarda, dalalarda koʻp boʻlardi. **Odamlar** uzib bitirishdi. Sizlar uzgan Iolalar ham kelgusi yil unib chiqmaydi. Uzaversangiz, togʻdagi Iolalar ham **tugaydi**.

O'tkir Hoshimovdan

Matnda nechta gap bor? Ajratib koʻrsatilgan soʻzlarga soʻroq bering. Ular qanday ma'no bildiryapti?

190-mashq. She'rni ifodali o'qing.

Birinchi iyun

- Bilagʻon deb atashar Doʻstlaring seni, Suyun. Top-chi, qanday kun oʻzi, Deylik, birinchi iyun?
- O'sha kuni ta'tilga
 Chiqishadi bolalar.
 Farzandlarin hordiqqa
 Jo'natadi onalar.
- Aytganlaring-ku toʻgʻri,
 Bilib ol yana shuni:
 Birinchi iyun, joʻra,
 Yozning tugʻilgan kuni.

Abdurahmon Akbar



Lug'at



Abbos anjir ayiq



baho bahra barg barmoq bodom bogʻbon buzoq



davlat davo da'vo duradgor doʻlana



echki



gulbeor Gulsara



hammom harf havo hikoya hisob hissa holva hovli hoʻkiz



jahon jayron



karam karnaygul kartoshka kitob koptok kuchuk



lavlagi



mard mehmon mehribon mix musaffo mushuk



navo na'matak



odob oftob olmurut olxoʻri ozod oshpaz



paxta piyola piyoz pishloq pichoq



qahraton qarmoq qayiq qaymoq qishloq qishloq qovoq qozon quloq qoʻqongul qoʻzichoq



rubob



sabzi sakkiz saraton sarimsoq sigir sovuq supurgi soʻqmoq



talaffuz
tarvuz
taxta
tovoq
tovuq
tovus
toychoq
togʻolcha
tub
turp
tuxum
tuz
toʻqqiz
toʻrt



ukki uzum



xalq

xaroba xirmon xola xona xontaxta



yaxmalak yongʻoq



zanjir zardoli Zaynab



shaftoli shifokor sholg'om shotut



chinnigul choynak cho'mich

MUNDARIJA

Ona tilim	. 3
Tovushlar va harflar	
Tovush va harf	. 8 15 21 30 32 35
So'z	
Soʻzning ma'nosi	49 52 56 60 64 70
Nutq. Gap	
Ogʻzaki nutq va yozma nutq	88 03 08

G' - 27 **G'afforova T. va boshq.**

Ona tili: 1-sinf uchun darslik /Muall. T. Gʻafforova, E. Shodmonov, X. Gʻulomova. — T.: «Sharq», 2017. — 112 b.

ISBN 978-9943-26-618-6 I. 1, 2. Muallifdosh.

UO'K 811.512.133 (075.2) KBK 81.2.0'z-922

Oʻquv nashri

TAL'AT G'AFFOROVA, ERGASH SHODMONOV, XOLIDA G'ULOMOVA

ONA TILI

Umumiy o'rta ta'lim maktablarining 1-sinfi uchun darslik

O'n uchinchi nashr

«Sharq» nashriyot-matbaa aksiyadorlik kompaniyasi Bosh tahririyati Toshkent – 2017

Muharrir E. Bozorov
Badiiy muharrir F. Basharova
Rassom G. Shoabdurahimova
Texnik muharrir R. Boboxonova
Sahifalovchi L. Soy
Musahhihlar: M. Ziyamuhamedova, Sh. Xurramova

Nashr litsenziyasi Al № 201, 28.08.2011

Bosishga ruxsat etildi ...2017. Bichimi 70x90 ¹/₁₅. «Pragmatic» garniturasi. Kegli 18 shponli. Ofset bosma. Shartli bosma tabogʻi 8,19. Nashriyot-hisob tabogʻi 6,5. Adadi ... nusxa. Buyurtma № ...

«Sharq» nashriyot-matbaa aksiyadorlik kompaniyasi bosmaxonasi, 100000, Toshkent shahri, «Buyuk Turon» koʻchasi, 41.